



مؤسسة وكالات الحج البنگلاديشية

হজ্জ এজেন্সীজ এসোসিয়েশন অব বাংলাদেশ (হাব)

HAJJ AGENCIES ASSOCIATION OF BANGLADESH (HAAB)

Ref :

বিস্মিল্লাহির রাহমানির রাহিম

Date :

হজ্জ ২০১৪ সালের (১৪৩৫ হি:) বেসরকারী “হজ্জ প্যাকেজ” মূল্য ঘোষণা সম্পর্কিত প্রেস ব্রিফিং/সংবাদ সম্মেলন।

তারিখ : ১৬ মার্চ ২০১৪ ইং রোজ রবিবার, বিকাল ০৩:০০ ঘটিকা।

স্থান : অফিসার্স ক্লাব, ২৬ বেইলী রোড, ঢাকা।

প্রিয় গণমাধ্যম কর্মী ভাই ও বোনেরা,

আচ্ছলামু আলাইকুম ওয়া রাহমাতুল্লাহি ওয়া বারাকাতুহু।

আজকের এই সংবাদ সম্মেলনে উপস্থিত হওয়ার জন্য ‘হাব’ এর পক্ষ থেকে সকল গণমাধ্যম সদস্যকে জানাচ্ছি আমার আন্তরিক অভিনন্দন, ধন্যবাদ ও মোবারকবাদ। অদ্য ১৬/০৩/২০১৪ইং বেসরকারী হজ্জ ব্যবস্থাপনায় হজ্জ প্যাকেজ মূল্য ঘোষণাসহ গৃহীত অন্যান্য পদক্ষেপ সম্পর্কে জনসচেতনতা সৃষ্টি, বিশেষ করে বেসরকারী ব্যবস্থাপনায় গমণেচ্ছুক সম্মানিত হজ্জযাত্রীদের অবহিত করার লক্ষ্যে আজকের এই সংবাদ সম্মেলন। আপনাদের বহুল প্রচারিত গণমাধ্যমে প্রচারের উদ্দেশ্যে হাব কর্তৃক গৃহীত পদক্ষেপসমূহ আপনাদের মাধ্যমে সম্মানিত হজ্জযাত্রী ও সরকারের নিকট উপস্থাপন করছি :-

- ১। ২০১৪ সনের (১৪৩৫ হি:) বেসরকারী ব্যবস্থাপনায় পরিচালিত হজ্জযাত্রীদের হজ্জ প্যাকেজ (কোরবানী ব্যতীত) মূল্য সর্বনিম্ন ২,৯৫,৭৭৬.০০ টাকা এবং দ্বিতীয় প্যাকেজ (কোরবানী ব্যতীত) ৩,৫৪,৩১৬.০০ টাকা নির্ধারণ করা হয়েছে।
- ২। চাঁদ দেখা সাপেক্ষে এ বৎসর হজ্জ অনুষ্ঠিত হবে ০৪ অক্টোবর ২০১৪ (৯ই জিলহজ্জ ১৪৩৫ হি:)।
- ৩। এ বৎসর সর্বমোট ১,০১,৭৫৮ জন হজ্জযাত্রী হজ্জব্রত পালন করবেন। যার মধ্যে সরকারী ১০,০০০ জন এবং বেসরকারী ৯১,৭৫৮ জন।
- ৪। হজ্জের টাকা সরাসরি সংশ্লিষ্ট হজ্জ এজেন্সীকে অথবা এজেন্ট এর মনোনীত ব্যাংক হিসাবে জমা করে মানি রিসিপ্ট সংগ্রহ করা বাধ্যতামূলক।
- ৫। বিগত ৫ বৎসরের মধ্যে যে সমস্ত হজ্জযাত্রী হজ্জ করেছেন, তারা এ বৎসর হজ্জ যেতে পারবেন না। তবে মহিলা হজ্জযাত্রীদের মাহরমের ক্ষেত্রে এ শর্ত প্রযোজ্য হবে না।
- ৬। সকল হজ্জযাত্রীকে হজ্জের সমুদয় অর্থ (কিস্তি প্রযোজ্য) ২০/০৫/২০১৪ইং তারিখের মধ্যে পরিশোধ করতে হবে। সরকারের নীতিমালা অনুযায়ী উক্ত তারিখের পরে কোন অবস্থাতেই মোয়াল্লেম ফিসহ হজ্জের অন্যান্য খরচের টাকা জমা নেয়া হবে না।
- ৭। টাকা জমা দেয়ার নির্দিষ্ট সময় অর্থাৎ ২০/০৫/২০১৪ তারিখের পরবর্তী ৩ কর্ম দিবসের মধ্যে হজ্জযাত্রীদের টাকা প্রাপ্তির প্রমান স্বরূপ সংশ্লিষ্ট এজেন্সীর ব্যাংক স্টেটমেন্ট হাব এ জমা দিতে হবে। উক্ত স্টেটমেন্ট জমা দিতে ব্যর্থ হলে হাব থেকে সংশ্লিষ্ট এজেন্সীর মোয়াল্লেম ফি সার্টিফিকেট/ডি.ও প্রদানের সুপারিশ করা সম্ভব হবে না।
- ৮। ২০১৪ সনে হজ্জ গমণেচ্ছু হজ্জযাত্রীগণ যেন ফড়িয়া-দালাল/মধ্যস্থত্বভোগীদের নিকটে কোন হজ্জের টাকা জমা না দেন। এর ব্যত্যয় হলে হজ্জ যাওয়া অনিশ্চিত হয়ে যেতে পারে, যার দায়িত্ব এজেন্সী, হাব বা সরকার কেউই নেবে না। আরো উল্লেখ্য যে, সরকার/হাব ঘোষিত সর্বনিম্ন প্যাকেজের কম টাকায় কোন হজ্জযাত্রী হজ্জ গেলে সেই সমস্ত হজ্জযাত্রীরা প্রচারিত হতে পারেন এবং ঠিকভাবে হজ্জের আরকান-আহকামগুলো প্রতিপালন করার ক্ষেত্রে অনিশ্চয়তার বুকি থাকবে।

চলমান পাতা-২



مؤسسة وكالات الحج البنگلاديشية

হজ্জ এজেন্সীজ এসোসিয়েশন অব বাংলাদেশ (হাব)

HAJJ AGENCIES ASSOCIATION OF BANGLADESH (HAAB)

Ref :

পাতা-২

Date :

- ৯। বৈদেশিক মুদ্রার মূল্যমানে তারতম্য হেতু (ডলার ৭৭.৪০ টাকা/সৌঃ রিঃ ২১.০০) প্যাকেজ মূল্যের তারতম্য হতে পারে অর্থাৎ প্যাকেজ মূল্য কমবেশী হতে পারে।
- ১০। ২ কিঃ মিঃ এর অধিক দূরত্বে যে সকল হজ্জযাত্রীর আবাসনের ব্যবস্থা করা হবে, তাঁদের জন্য সংশ্লিষ্ট হজ্জ এজেন্ট কর্তৃক হারাম শরীফে যাতায়াতের জন্য যানবাহনের ব্যবস্থা করা হবে।
- ১১। সৌদি আরবের নির্দেশনা অনুযায়ী ১% অতিরিক্ত বাড়ী ভাড়া করা ব্যাধ্যতামূলক বিধায় মোট বাড়ী ভাড়া খরচের সাথে ১% খরচ ধার্য করা হয়েছে।
- ১২। সিটি চেকইন:- এই বৎসর কোন হজ্জযাত্রী নিজের লাগেজ নিজে এয়ারপোর্ট নিতে হবে না। মক্কা ও মদীনায় এয়ার লাইস কর্তৃক নিয়োগকৃত এজেন্ট লাগেজ সংগ্রহ করে এয়ারপোর্ট নিয়ে যাবেন।
- ১৩। এয়ারলাইন্সের ফিরতি ফ্লাইটের সময়সীমা সর্বোচ্চ ৪০ দিন ধার্য করে খাওয়া খরচ নির্ধারন করা হয়েছে। এক্ষেত্রে প্যাকেজ এর সময়সীমা বেড়ে গেলে দিবস অনুযায়ী অতিরিক্ত খাওয়া খরচ প্রদান করতে হবে।
- ১৪। সকল হজ্জযাত্রীকে শুধুমাত্র প্রাথমিক চিকিৎসাদানের ব্যবস্থা করা হবে। এ ক্ষেত্রে ক্রনিক ডিজিজে আক্রান্ত (যথা ঃ ডায়াবেটিস, আমাশয়, পেটের পীড়া, রক্তচাপ ইত্যাদি) রোগের জন্য সংশ্লিষ্ট হজ্জযাত্রীগণকে প্রয়োজনীয় ঔষধ সঙ্গে নিয়ে যেতে হবে। প্রেসক্রিপশন সাথে রাখা বাধ্যতামূলক।
- ১৫। কোন হজ্জযাত্রী দৃষ্টিনাশিত কিংবা স্বাভাবিক কারণে মৃত্যুবরণ করলে তাঁর মৃতদেহ মক্কা/মদিনায় সমাহিত করা হবে। উল্লেখ্য যে, মৃত হজ্জযাত্রীর মরদেহ দেশে ফেরত না আনার ব্যাপারে সৌদি সরকারের বাধ্যবাধকতা থাকায় এ ব্যাপারে হজ্জ এজেন্টদেরকে অহেতুক চাপ প্রয়োগ করা যাবে না। তবে সংশ্লিষ্ট হজ্জযাত্রীর মরদেহ দাফনের ব্যাপারে তাঁদের আত্মীয় স্বজনকে সর্বাত্মক সহযোগিতা করা হবে।
- ১৬। কোন সম্মানিত হজ্জযাত্রীর পুলিশ ক্লিয়ারেন্স সময়মত পাওয়া না গেলে সংশ্লিষ্ট হজ্জযাত্রীর নিজ দায়িত্বেই পুলিশ ক্লিয়ারেন্স করাতে হবে। পুলিশ ক্লিয়ারেন্স না হলে তার দায়-দায়িত্ব সংশ্লিষ্ট এজেন্ট বহন করবেন না।
- ১৭। হজ্জযাত্রীর যাবতীয় তথ্য সংরক্ষন ও সরবরাহ ইন্টারনেটের মাধ্যমে আদান প্রদানের ব্যবস্থা থাকবে। প্রয়োজনে www.hajj.gov.bd অথবা www.haab-bd.com ওয়েবসাইটের মাধ্যমে সংগ্রহ করা যাবে।
- ১৮। প্রত্যেক হজ্জযাত্রীকে স্বাস্থ্য পরীক্ষা (মেনিনজাইটিস ও ইনফ্লুয়েঞ্জার টিকা গ্রহন করতঃ) সনদ সংগ্রহ করে সংশ্লিষ্ট এজেন্টের নিকটে জমা দিতে হবে।
- ১৯। কোরবানী খরচ বাবদ প্রত্যেক হজ্জযাত্রীকে কমপক্ষে ৪৫০.০০ সৌদি রিয়াল এবং ব্যক্তিগত খরচসহ অন্যান্য খরচের জন্য ৫০০.০০ মার্কিন ডলারের সমপরিমান সৌদি রিয়াল সঙ্গে নেয়ার পরামর্শ দেয়া হলো।
- ২০। শরিয়ত সম্মত বৈধ মাহরম ব্যতিত কোন মহিলা হজ্জযাত্রী এককভাবে হজ্জে যেতে পারবেন না।
- ২১। সৌদি আরবে ব্যাংক হিসাব খোলা : এই বৎসর হজ্জের বাড়ী ভাড়া, ক্যাটারিং-এ খাওয়ার টাকা মোয়াল্লেম খরচসহ যাবতীয় খরচের টাকা বাধ্যতামূলক ভাবে ব্যাংক হিসাবে জমা করতে হবে যা চেকের মাধ্যমে ঐ একাউন্ট হতে নির্বাহ করা হবে।

প্রিয় সাংবাদিক ভাই ও বোনেরা,

উপরোক্ত বক্তব্যের আলোকে ও বাস্তব অবস্থার পরিপ্রেক্ষিতে আজকের সাধারণ সভায় উপস্থিত সকল সদস্যের সর্বসম্মতিক্রমে সূষ্ঠ হজ্জ ব্যবস্থাপনার লক্ষ্যে আপনাদের মাধ্যমে বাংলাদেশ সরকারের সংশ্লিষ্ট মন্ত্রণালয়ের নিকটে নিম্নলিখিত দাবীসমূহ আশু বাস্তবায়নের লক্ষ্যে উপস্থাপন করছি ঃ-

চলমান পাতা-৩



مؤسسة وكالات الحج والعمرة হজ্জ এজেন্সীজ এসোসিয়েশন অব বাংলাদেশ (হাব) HAJJ AGENCIES ASSOCIATION OF BANGLADESH (HAAB)

Ref :

Date :

পাতা-৩

- ১। হজ্জযাত্রী পরিবহনে আগ্রহী বিমান বাংলাদেশ এয়ারলাইন্স ও সৌদি এয়ারলাইন্সসহ মধ্যপ্রাচ্যভিত্তিক সকল এয়ারলাইন্সকে হজ্জযাত্রী পরিবহনের জন্য উন্মুক্ত করে দেয়া, যাতে করে সম্মানিত হজ্জযাত্রীগণ তাঁদের পছন্দের পরিবহনে হজ্জে যেতে পারেন। এছাড়াও নিম্নমানের এয়ারক্রাফট চার্টার করে বুকিঙ্গপূর্ণ এয়ারক্রাফট-এ যেন হজ্জযাত্রী পরিবহন না করা হয়।
- ২। ১৪৩৫ হিজরী সনের রমজানের পূর্বে ফ্লাইট সিডিউল ঘোষণা করার জন্য অনুরোধ করছি।
- ৩। বিমানের টিকেটের ভাড়া নীট ফেয়ারের পরিবর্তে গ্রস ফেয়ার করার অনুরোধ করছি।
- ৪। ২০১৪ সালের হজ্জ মৌসুমে বিমানের প্যাকেজ ৩৫ দিনের জন্য নির্ধারন করার অনুরোধ করছি।
- ৫। অনভিজ্ঞতা ও অনিচ্ছাকৃত ভুলের জন্য যেসকল এজেন্সী অভিযুক্ত হয়েছে তাদেরকে সাধারণ ক্ষমার আওতায় এনে অব্যাহতি দানের জন্য বিনীত ভাবে আবেদন জানাচ্ছি।
- ৬। ধর্ম বিষয়ক মন্ত্রণালয়ে গচ্ছিত হজ্জ এজেন্সীগুলোর পাওনা প্রায় ১০.০০ কোটি টাকা ফেরত প্রদানের পদক্ষেপ নেয়ার জন্য আপনাদের মাধ্যমে ধর্ম বিষয়ক মন্ত্রণালয়ের নিকটে অনুরোধ জানাচ্ছি। এছাড়া ২০১০, ২০১১, ২০১২ সালের মোয়াল্লেম ফি সহ অন্যান্য পাওনা দ্রুততম সময়ে পাওয়ার ব্যবস্থা করার অনুরোধ জানাচ্ছি।
- ৭। মৃত্যু, দূর্ঘটনা ও যৌক্তিক কারণে কোন হজ্জযাত্রী এ বৎসরের হজ্জে যেতে ব্যর্থ হলে তার স্থলে অন্য হজ্জযাত্রী প্রতিস্থাপন করে (Replacement) সংশ্লিষ্ট হজ্জযাত্রী/তার উত্তরাধিকারীকে ক্ষতির হাত হতে রেহাই দেয়ার জন্য ধর্ম বিষয়ক মন্ত্রণালয় যেন যথাযথ নির্দেশ জারী করেন সে ব্যাপারে বিনীত অনুরোধ করছি।
- ৮। ২০১৪ হজ্জ মৌসুমে প্রত্যেক হজ্জ এজেন্সীকে ১টি এবং ২০০ জনের অধিক হজ্জযাত্রীর জন্য ২টি বারকোড দেয়ার পূর্বের নিয়ম পূর্ণবহাল করার জোর দাবী জানাচ্ছি।
- ৯। সিলেট-চট্টগ্রামে সমান ভাড়া নিশ্চিত করত: আরো বেশী সরাসরি ফ্লাইটের ব্যবস্থা করে হজ্জযাত্রীদের অসুবিধা দূর করার অনুরোধ করছি।
- ১০। ক্যাটারিং সার্ভিস বাধ্যতামূলক না করে রান্না করে খাবার পরিবেশন করার সুযোগ করে দেয়ার জন্য বিনীত অনুরোধ জানাচ্ছি।

সম্মানিত সাংবাদিক ভাই ও বোনেরা !

আপনারা অনেক কষ্ট ও মূল্যবান সময় নষ্ট করে জাতির বৃহত্তর স্বার্থে আমাদের আমন্ত্রণ গ্রহন করে এখানে এসেছেন, সেজন্য আপনাদের সকলকে জানাচ্ছি অসংখ্য ধন্যবাদ। আমরা আশা করছি যে, আপনারা আপনাদের বহুল প্রচারিত ও জনপ্রিয় মিডিয়াসমূহ/গণমাধ্যমসমূহে আমাদের বক্তব্যগুলো প্রচার করে ধর্মপ্রাণ সম্মানিত হজ্জযাত্রীদের কল্যাণে সহযোগিতার হাত সম্প্রসারিত করবেন।

আল্লাহ্ আমাদের সকলের সহায় হোন।

আল্লাহ্ হাফেজ ॥

মোহাম্মদ ইব্রাহিম বাহার
সভাপতি, হাব।